



অবিলম্বে প্রকাশের উদ্দেশ্যে: 6/30/2023

গভর্নর ক্যাথি হোকল

গভর্নর হোকল ডাউনটাউন রচেস্টারে স্ট্রং ন্যাশনাল মিউজিয়াম অভ প্লে এর 75 মিলিয়ন মার্কিন ডলারের সম্প্রসারণ প্রকল্পের সমাপ্তি উদযাপন করেছেন

*প্রকল্পের মধ্যে রয়েছে 90,000 বর্গ-ফুট বর্ধিত ফিচারের একটি নতুন স্বাগত অ্যাট্রিয়াম, একাধিক ইন্টারেক্টিভ প্রদর্শনী, আউটডোর প্লাজা এরিয়া, পার্কিং গ্যারেজ এবং আরো অনেক কিছু*

*বিনিয়োগটি "ফিঙ্গার লেকস ফরওয়ার্ড" এর পরিপূরক - যা সম্প্রদায়ের পুনরুজ্জীবন এবং অর্থনীতি বাড়ানোর জন্য অঞ্চলের ব্যাপক কৌশল*

গভর্নর ক্যাথি হোকল আজ রচেস্টার ডাউনটাউনের কেন্দ্রস্থলে স্ট্রং ন্যাশনাল মিউজিয়াম অভ প্লেতে 75 মিলিয়ন মার্কিন ডলার সম্প্রসারণ প্রকল্পের সমাপ্তির ঘোষণা করেছেন। একটি সিটি-ব্লকের চেয়েও বেশি লম্বা, উল্লেখযোগ্য বৈশিষ্ট্যের অসাধারণ দক্ষ, গতিশীল, ইন্টারেক্টিভ প্রদর্শনী স্থান। প্রকল্পের চূড়ান্ত অংশ - ফিঙ্গার লেক অঞ্চলের শীর্ষ পর্যটন আকর্ষণে 90,000 বর্গফুট বর্ধিত ইন্টারেক্টিভ ডিসপ্লে সহ একটি নতুন স্বাগত অ্যাট্রিয়াম, বর্ণিল ওয়েফাইন্ডিং, অত্যাধুনিক, দক্ষ চেক-ইন, নিরাপত্তা এবং প্রাথমিক চিকিৎসা সেবা এরিয়া সহ আরো অনেক সুবিধা রয়েছে। অ্যাট্রিয়ামে একটি উচ্চ বিস্তৃত সিলিং এবং কাচের দেয়াল রয়েছে যা দিনের বেলা স্থানটিকে উজ্জ্বল এবং উন্মুক্ত রাখে এবং রাতে প্লাজাকে আলোকিত করে। দ্বিতীয় তলায় একটি সম্প্রসারিত গিফটের দোকান এবং একটি নতুন পার্কিং গ্যারেজের সাথে সংযোগ রয়েছে, যা প্রকল্পের প্রথম পর্যায়ে নির্মিত। এই অগ্রগতিগুলো বার্ষিক ফ্যাসিলিটি উপস্থিতির উপর একটি বড় প্রভাব ফেলবে বলে আশা করা হচ্ছে, যাদুঘরের কর্মকর্তাদের যা অনুমান 2026 সালের মধ্যে প্রায় এক মিলিয়নে উন্নীত হবে, যা পূর্বে প্রাক-মহামারীতে 600,000 ছিল।

"এই উদ্বোধন স্ট্রং ন্যাশনাল মিউজিয়াম অভ প্লে-তে একটি নতুন অধ্যায়ের সূচনা করে, যা এই অঞ্চলের অন্যতম বৃহত্তম পর্যটক আকর্ষণ এবং ডাউনটাউন রচেস্টারকে আরো পুনরুজ্জীবিত করার জন্য আমাদের অব্যাহত প্রচেষ্টার পিছনে চালিকা শক্তি," **গভর্নর হোকল বলেন।** "অর্ধ শতাব্দীরও বেশি সময় ধরে, স্ট্রং মিউজিয়াম তার আকর্ষণীয় প্রদর্শনী এবং জমকালো প্রদর্শনের মাধ্যমে সারা বিশ্ব থেকে দর্শকদের আকর্ষণ করেছে এবং স্টেটের সমর্থনের জন্য ধন্যবাদ, আগামী বছ বছর ধরে এ ধারা চলতে থাকবে। নিউ ইয়র্কের সাংস্কৃতিক নোঙরগুলোতে স্মার্ট, কৌশলগত বিনিয়োগগুলো পর্যটনকে চালিত, চাকরি তৈরি এবং অর্থনীতিকে চালিত করার জন্য চাবিকাঠি এবং আমি আমাদের স্টেটের অর্থনৈতিক সম্ভাবনাকে উন্মুক্ত করতে স্ট্রং মিউজিয়ামের মতো প্রতিষ্ঠানকে সমর্থন করার জন্য প্রতিশ্রুতিবদ্ধ।"

মূলত 1968 সালে প্রতিষ্ঠিত, স্ট্রং প্লে, খেলনা, পুতুল এবং ভিডিও গেমগুলোর ইতিহাস চারপাশে ইন্টারেক্টিভ এবং আমোদপূর্ণ অভিজ্ঞতার বৈশিষ্ট্য মণ্ডিত করে। সম্প্রসারণের মধ্যে রয়েছে 24,000 বর্গফুট ESL ডিজিটাল ওয়ার্ল্ডস, বিশ্বের বৃহত্তম খেলার যোগ্য ডাংকি কং আর্কেড গেম এবং হাসরো গেম পার্ক। দর্শনার্থীরা একটি রেসকিউ হেলিকপ্টারে উঠতে, কিড সাইজ ট্রেনে ক্রস-কান্ট্রি ভ্রমণ করতে এবং শত শত মুক্ত-উড়ন্ত প্রজাপতি সমন্বিত একটি গ্রীষ্মমন্ডলীয় বাগানের মধ্য দিয়ে হাঁটতেও সক্ষম হন। এই রূপান্তরমূলক সম্প্রসারণ প্রকল্পের কারণে, স্ট্রং এখন মার্কিন যুক্তরাষ্ট্রের বৃহত্তম ঐতিহাসিক জাদুঘরগুলোর মধ্যে অন্যতম।

**স্ট্রং প্রেসিডেন্ট ও প্রধান নির্বাহী কর্মকর্তা স্টিভ ডুবনিক বলেন** "স্ট্রং এর সম্প্রসারণ প্রকল্প - যার মধ্যে রয়েছে 90,000 বর্গ-ফুট উইং, পার্কিং গ্যারেজ এবং আউটডোর প্লাজা - রচেসটারের জন্য সত্যিকারের রূপান্তরমূলক এবং এটি প্লে এর নতুন নেবারহুডের কেন্দ্রস্থল গঠন করে। নতুন উইং এর উদ্বোধন, যা চূড়ান্ত অংশ, যাদুঘর, সিটি, অঞ্চল এবং স্টেটের জন্য একটি উষ্ণ সময় প্রদান করে। নিউ ইয়র্ক স্টেট এবং এম্পায়ার স্টেট ডেভেলপমেন্ট এর প্রাথমিক সহায়তা এবং আপস্টেট রিভাইটালাইজেশন ইনিশিয়েটিভের মাধ্যমে 20 মিলিয়ন মার্কিন ডলারের প্রাথমিক বিনিয়োগ ছাড়া প্রকল্পটি সম্ভব হতো না।"

স্ট্রং এর ক্রমাগত রূপান্তর হলো তথাকথিত নেবারহুড অভ প্লে-তে একটি বিশাল, তিন-ফেজ, বহু-মিলিয়ন উন্নয়ন প্রকল্পের একটি অংশ যার মধ্যে রয়েছে যাদুঘর সংলগ্ন একটি হোটেল সংযোজন, আবাসিক হাউজিং নির্মাণ এবং অন্যান্য মিশ্র- ব্যবহারের স্থান এবং একটি নতুন, নির্ধারিত রাস্তা তৈরি — অ্যাডভেঞ্চার প্লেস — উডবেরি বুলেভার্ডকে ইউনিয়ন স্ট্রিটের সাথে সংযুক্ত করে যা সেই বিকাশের সুযোগ দেয়।

এম্পায়ার স্টেট ডেভেলপমেন্ট ফিঙ্গার লেক ফরওয়ার্ড আপস্টেট রিভাইটালাইজেশন ইনিশিয়েটিভের মাধ্যমে এবং স্বাগত অ্যাট্রিয়াম এবং প্লে গেটওয়ে ভবনের পোর্টাল নির্মাণের জন্য অতিরিক্ত 2 মিলিয়ন মার্কিন ডলার মূলধন অনুদানের মাধ্যমে 20 মিলিয়ন মার্কিন ডলার পর্যন্ত প্রকল্পটিকে সমর্থন করেছিল।

**এম্পায়ার স্টেট ডেভেলপমেন্টের প্রেসিডেন্ট, সিইও ও কমিশনার হোপ নাইট বলেন**, "পর্যটন শিল্পে বিনিয়োগের ক্ষেত্রে নিউ ইয়র্ক স্টেট অবহেলা করে না। গভর্নর হোকলের দৃঢ় প্রতিশ্রুতির জন্য ধন্যবাদ, স্টেট ব্যাপী দারুণ কিছু ঘটছে — এবং সামনে আরো অনেক কিছু আসছে। স্ট্রং ন্যাশনাল মিউজিয়াম অভ প্লে এর অবিশ্বাস্য সম্প্রসারণ আরো বেশি দর্শককে ডাউনটাউন রচেসটারের কেন্দ্রস্থলে টানতে সাহায্য করবে, যা সিটি ও অঞ্চলের উপর অনেক বছর ধরে সত্যিকারের অর্থনৈতিক প্রভাব ফেলবে।"

এই কৌশলগত বিনিয়োগ এই অঞ্চলের পর্যটন প্রচেষ্টাকে শক্তিশালী করবে, আঞ্চলিক অর্থনীতিতে শিল্পটি ইতোমধ্যে উল্লেখযোগ্য প্রভাব তৈরি করেছে। ফিঙ্গার লেক অঞ্চলে পর্যটন প্রচেষ্টা তার নয়টি কাউন্টি জুড়ে 33,000টিরও বেশি চাকরিকে সমর্থন করে।

**এম্পায়ার স্টেট ডেভেলপমেন্টের ভাইস প্রেসিডেন্ট এবং ট্যুরিজমের নির্বাহী পরিচালক রস ডি. লেভি বলেন**, "স্ট্রং ন্যাশনাল মিউজিয়াম অভ প্লে হলো ফিঙ্গার লেকের কেন্দ্রস্থলে

একটি বিশ্ব-মানের গন্তব্য যেটি সারা বিশ্ব থেকে কয়েক প্রজন্মের অতিথিদের স্বাগত জানিয়েছে এবং I LOVE NY এর একটি দুর্দান্ত অংশীদার হয়েছে। নতুন প্রদর্শনী, একটি বহিরঙ্গন গেম পার্ক এবং থিমযুক্ত ডাইনিং এবং আমোদপূর্ণ আবাস ব্যবস্থা সহ এর মোড় পরিবর্তনের সম্প্রসারণ আরো বেশি লোককে স্ট্রং এর যাদু এবং বিস্ময় অন্বেষণ করতে এবং অনুভব করতে উৎসাহিত করবে, অতিথিদের মনে করিয়ে দেবে নিউ ইয়র্ককে ভালোবাসা কত সহজ।"

**সিনেটের সংখ্যাগরিষ্ঠ নেতা চার্লস শুমার বলেন,** "স্ট্রং মিউজিয়ামের সম্প্রসারণ পরিবার, শিশু এবং দর্শকদের উভয়ের জন্য একটি সুবিধাজনক ব্যাপার, যারা যাদুঘরের অফার করা সমস্ত কিছু উপভোগ করতে পারবে, সেইসাথে সমস্ত রচেস্টারের জন্য কারণ সিটিটি তাদের পুনর্জাগরণের প্রচেষ্টায় একটি নতুন 'হাই স্কোর' অর্জন করেছে। ইনার লুপ পুরণের জন্য 16 মিলিয়ন মার্কিন ডলার সুরক্ষিত করে সম্প্রসারণ শুরু করতে পেরে আমি গর্বিত, যা সম্প্রসারণ এবং *নেবারহুড অভ প্লে* এর জন্য পথ তৈরি করেছে - সেইসাথে স্ট্রং এর সংস্কার সম্পূর্ণ করার জন্য প্রয়োজনীয় 7.5 মিলিয়ন মার্কিন ডলার আমেরিকান রেসকিউ প্ল্যান অনুদান রয়েছে। এখন 160 মিলিয়ন মার্কিন ডলারের বেশি বর্ধিত পর্যটন রাজস্ব এবং 120টিরও বেশি নতুন, ভালো বেতনের চাকরি সহ, স্ট্রং জাদুঘরটি সিটির কেন্দ্রস্থল পর্যটন এবং অর্থনৈতিক উন্নয়নের জন্য একটি নোঙ্গর হিসাবে নিজেকে সুদৃঢ় করেছে।"

**প্রতিনিধি জো মোরেল বলেন,** "স্ট্রং মিউজিয়াম হলো আমাদের প্রাণবন্ত কমিউনিটি ফ্যাব্রিকের একটি অপরিহার্য অংশ, একটি বিশ্বমানের পর্যটন আকর্ষণ এবং আমাদের আঞ্চলিক অর্থনীতির একটি সম্পদ। এই 90,000 ফুট সম্প্রসারণের জন্য তহবিল সরবরাহ করতে পেরে আমি গর্বিত, যা রচেস্টার এবং তা ছাড়িয়ে হাজার হাজার শিশু এবং পরিবারের জন্য আনন্দ নিয়ে আসছে। স্ট্রং এবং বিশ্বের একমাত্র *নেবারহুড অভ প্লে* এর জন্য ভবিষ্যত কী হবে তার জন্য আমি অপেক্ষায় আছি।"

**স্টেট সিনেটর জেরেমি কুনি বলেন,** "স্ট্রং এবং *নেবারহুড অভ প্লে* এর আশেপাশের রূপান্তরমূলক সম্প্রসারণ ডাউনটাউন রচেস্টারের জন্য একটি নতুন যুগের সূচনা করেছে। নিউ ইয়র্ক স্টেট আপস্টেট পর্যটন শিল্পের প্রবৃদ্ধির প্রয়োজনীয়তা বোঝে এবং এই প্রকল্পে বিনিয়োগ করতে পেরে গর্বিত ছিল। আমার ডিস্ট্রিক্ট অফিস থেকে মাত্র কয়েক ব্লক দূরে, আমি এই প্রকট প্রভাবশালী প্রকল্পের ফল এবং আমাদের সিটির কেন্দ্রের পুনরুজ্জীবনে এর ভূমিকা দেখার অপেক্ষায় রয়েছি।"

**অ্যাসেম্বলি মেম্বার হ্যারি ব্রনসন বলেন,** "রচেস্টারে দর্শকদের নিয়ে আসা আমাদের অর্থনীতির জন্য গুরুত্বপূর্ণ। স্ট্রং মিউজিয়াম অভ প্লে বহু বছর ধরে একটি আঞ্চলিক প্রতিষ্ঠান এবং এই সম্প্রসারণ এটিকে একটি জাতীয় আকর্ষণে পরিণত করতে সক্ষম করবে। সাংস্কৃতিক প্রতিষ্ঠানে আমরা যে বিনিয়োগ করি তা আমাদের বৃহত্তর অর্থনীতিকে উপকৃত করে। বসবাস, কাজ ও খেলার জন্য একটি প্রাণবন্ত জায়গা হয়ে এবং সেইসাথে নতুন উদ্যোগকে আকর্ষণ করার লক্ষ্য অর্জনে আমাদের কমিউনিটিকে সহায়তা করে, পর্যটন ডলার সিটি ও কাউন্টি জুড়ে ছোট এবং মাঝারি আকারের ব্যবসায় প্রসারিত করে।"

**মনোরো কাউন্টির নির্বাহী অ্যাডাম বেলো বলেন,** "স্ট্রং ন্যাশনাল মিউজিয়াম অভ প্লে সবসময়ই একটি হোমটাউনের ভাণ্ডার, বাবা-মা এবং বাচ্চারা একসাথে অন্বেষণ করার সাথে

সাথে সংযুক্ত হওয়ার জায়গা হয়ে আছে। মনোরো কাউন্টিতে দর্শকদের আকর্ষণ করে এবং স্থানীয় অর্থনীতিকে বাড়িয়ে তুলে এই সম্প্রসারণ এই অঞ্চলের অন্যতম গুরুত্বপূর্ণ সাংস্কৃতিক গন্তব্য হিসাবে যাদুঘরের খ্যাতি বাড়াবে। এটি এমন একটি অংশীদারিত্ব এবং কৌশলগত বিনিয়োগের একটি দুর্দান্ত উদাহরণ যা আমাদের কমিউনিটিকে আগামী বছরগুলো ধরে বিভিন্ন উপায়ে উপকৃত করবে। আমি এম্পায়ার স্টেট ডেভেলপমেন্ট এবং গভর্নর ক্যাথি হোকলকে আমাদের অঞ্চলে তাদের অব্যাহত বিনিয়োগের জন্য ধন্যবাদ জানাই।"

**রচেস্টার সিটির মেয়র মালিক ইভান্স বলেন,** "নতুন নেবারহুড অভ প্লে এর কেন্দ্রস্থলে স্ট্রং মিউজিয়াম এর সম্প্রসারণ একটি মূল ভিত্তিপ্রস্তর ছিল যা ইনার লুপ ইস্ট প্রকল্পের সাফল্যকে সমর্থন করেছিল এবং এখন রচেস্টারের ক্রমাগত রূপান্তরের জন্য অগ্রগতির একটি মাইলফলক হিসাবে কাজ করে। আমি এই প্রকল্পটি সম্পূর্ণ করার জন্য উন্নয়ন টিমকে অভিনন্দন জানাতে চাই এবং আমাদের সিটিতে এই বিনিয়োগ করার জন্য তাদের ধন্যবাদ জানাতে চাই। আমি গভর্নর ক্যাথি হোকল এবং এম্পায়ার স্টেট ডেভেলপমেন্টের কাছেও কৃতজ্ঞ যে আমাদের আশার অনুপ্রেরণার মাধ্যমে এবং সবার জন্য সুযোগ প্রদান করে একটি নিরাপদ, ন্যায্যসঙ্গত এবং সমৃদ্ধ রচেস্টার তৈরিতে সাহায্য করার জন্য।"

**গ্রেটার রচেস্টার চেম্বার অভ কমার্সের সভাপতি এবং প্রধান নির্বাহী কর্মকর্তা এবং ফিঙ্গার লেকস রিজিওনাল ইকোনমিক ডেভেলপমেন্ট কাউন্সিলের সহ-সভাপতি বব ডাফি বলেন,** "স্ট্রং ন্যাশনাল মিউজিয়াম অভ প্লে এর 75 মিলিয়ন মার্কিন ডলার সম্প্রসারণ প্রকল্পের সমাপ্তি রচেস্টারের অর্থনীতি এবং পর্যটন শিল্পের জন্য একটি উল্লেখযোগ্য মাইলফলক। এই রূপান্তরমূলক উন্নয়ন নিঃসন্দেহে একটি শীর্ষ পর্যটন গন্তব্য হিসাবে এই অঞ্চলের আবেদনকে বাড়িয়ে তুলবে এবং আমাদের কমিউনিটির পুনরুজ্জীবনে অবদান রাখবে। গ্রেটার রচেস্টার চেম্বার অভ কমার্স অর্থনৈতিক প্রবৃদ্ধি বৃদ্ধি এবং আমাদের অঞ্চলকে এগিয়ে নিয়ে যাওয়া কৌশলগত বিনিয়োগকে সমর্থন করার জন্য গভর্নর হোকলের প্রতিশ্রুতিকে সাধুবাদ জানায়।"

**ভিজিট রচেস্টার প্রেসিডেন্ট এবং প্রধান নির্বাহী কর্মকর্তা ডন জেফরিস বলেন,** "স্ট্রং ন্যাশনাল মিউজিয়াম অভ প্লে-তে রূপান্তরমূলক সম্প্রসারণ রচেস্টার এবং মনোরো কাউন্টির সমগ্র পর্যটন শিল্পে অবিশ্বাস্য এবং দীর্ঘস্থায়ী প্রভাব ফেলবে। স্ট্রং মিউজিয়ামের সম্প্রসারণ এবং পরবর্তীতে নেবারহুড অভ প্লে ডেভেলপমেন্ট, তথাপি আগত বছরে রচেস্টারে ভিজিটের আরেকটি কারণ। মনোরো কাউন্টিতে আমাদের অর্থনীতিতে পর্যটন শিল্প একটি গুরুত্বপূর্ণ ভূমিকা পালন করে এবং গ্রেটার রচেস্টার এবং ফিঙ্গার লেক অঞ্চলে আরো বেশি দর্শনার্থী এনে এবং আরো বেশি পরিদর্শক ব্যয় বাড়িয়ে স্ট্রং-এ এই সম্প্রসারণ কেবল সেই প্রভাবকে আরো বাড়িয়ে তুলবে।"

স্ট্রং সম্পর্কে আরো অতিরিক্ত তথ্যের জন্য ভিজিট করুন, <https://www.museumofplay.org/>

**ফিঙ্গার লেক ফরওয়ার্ড ত্বরান্বিত করা**

আজকের ঘোষণাটি "ফিঙ্গার লেকস ফরওয়ার্ড" এর পরিপূরক, যা শক্তিশালী অর্থনৈতিক প্রবৃদ্ধি এবং সম্প্রদায়ের উন্নয়নের জন্য এই অঞ্চলের ব্যাপক কৌশল। আঞ্চলিকভাবে পরিকল্পিত

পরিকল্পনাটি ফোটোনিরু, কৃষি ও খাদ্য উৎপাদন এবং উন্নত উৎপাদন সহ মূল শিল্পগুলোতে বিনিয়োগের উপর দৃষ্টি নিবদ্ধ করে। আরো তথ্য [এখানে](#) রয়েছে।

### এম্পায়ার স্টেট ডেভেলপমেন্ট সম্পর্কে

এম্পায়ার স্টেট ডেভেলপমেন্ট (Empire State Development, ESD) হচ্ছে নিউ ইয়র্কের প্রধান অর্থনৈতিক উন্নয়ন সংস্থা ([www.esd.ny.gov](http://www.esd.ny.gov))। ESD এর মিশন হচ্ছে একটি উন্নত এবং ক্রমবর্ধমান অর্থনীতি প্রতিষ্ঠা করা, নতুন কর্মসংস্থান এবং অর্থনৈতিক সুযোগের তৈরিকরণ উৎসাহিত করা, স্টেট এবং তার মিউনিসিপ্যালিটিস রাজস্ব বৃদ্ধি করা এবং স্থিতিশীল ও বৈচিত্র্যময় স্থানীয় অর্থনীতি অর্জন করা। ঋণ, অনুদান, ট্যাক্স ক্রেডিট এবং অন্যান্য ধরনের অর্থনৈতিক সহায়তা ব্যবহারের মাধ্যমে নিউ ইয়র্ক স্টেটে কর্মসংস্থান সৃষ্টি শুরু করা এবং উন্নত কমিউনিটিকে সহায়তা করার জন্য ESD ব্যক্তিগত ব্যবসায় বিনিয়োগ বৃদ্ধি করার প্রচেষ্টা চালাচ্ছে। এছাড়াও ESD হলো আঞ্চলিক অর্থনৈতিক উন্নয়ন কাউন্সিলগুলোর এবং স্টেটের আইকনিক পর্যটন ব্র্যান্ড "আই লাভ নিউ ইয়র্ক" এর বিপণনের তত্ত্বাবধানকারী প্রধান প্রশাসনিক সংস্থা। আঞ্চলিক কাউন্সিল এবং এম্পায়ার স্টেট ডেভেলপমেন্ট সম্পর্কে আরো তথ্যের জন্য, অনুগ্রহ করে [www.regionalcouncils.ny.gov](http://www.regionalcouncils.ny.gov) এবং [www.esd.ny.gov](http://www.esd.ny.gov) দেখুন।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্ক্রাইব করুন](#)